



## Terenga 4: Hōtaka 41 - Heoi anō tā...he...

### He Mihi

Kei aku mōtoi kahotea, whakapiripiri mai ki raro i te wharau o Ako. He whare tēnei e noho tuwhera ana ki te hākerekere, inā rā, ko tōna poutokomanawa, ko te reo Māori, ā, nō tātou te reo kāmeahameha nei. Tēnā tomo mai.

### Hei Mahi Whakarongo

Kei taku hoa piripono, kei a Hana tētehi whakataukī hei whakarongo mā tātou ā kō ake nei. Anei ngā pātai hei whakautu mā koutou i a koutou e whakarongo ana.

1. He pēhea te āhua o te makā?
2. He aha tā Hana kupu mō te hiahia?
3. Panonihia tētehi o ana kupu e kawea ana i te tangi o te reo o Kāi Tahu, kia hāngai kē ki te tangi o te reo o Te Ika-a-Māui.

### He Whakamārama

Kotahi te aronga o te makā, hei tā Hana, ko te whai i te maunu i te tara o te matau.

Ko te kīanga o te rā nei e whakamārama ana i te mahi hei mahi mā te tangata. Anei te anga o te rerenga:

**Heoi anō tā** (ingoa/tūingoa) **he** + (tūmahī)...

**Heoi anō** + (**tāku, tāna, tā rāua...**) **he** + (tūmahī)...

Kua oti kē te anga o te rerenga, heoi anō tā tātou he whakauru i te kaimahi, i te mahi me te aronga o te mahi.

Heoi anō tā Pita, he waea ki tana whānau. *All Pita has to do now, is ring his family.*

Heoi anō tāu, he tautoko i te whakatau. *All you have to do is support the decision.*

Heoi anō tā te kaiako, he whakaako. *All the teacher has to do, is teach.*

### Hei Mahi

#### Whakamāoritā ngā rerenga

1. The table is set, all the minister has to do now is the blessing.
2. All you have to do is press the button.
3. Teachers do their job, what remains for the parents to do, is entrench the learning at home.
4. I've made dinner, all you have to do is heat it up.

#### Whakautu:

1. Kua hora te tēpu, heoi anō tā te minita, he whakapai i te kai.
2. Heoi anō tāu he pēhi i te pātene.
3. Ka mahi ngā kaiako i tā rātou mahi, heoi anō tā ngā mātua, he whakaū i ngā akoranga i te kāinga.
4. Kua tunu au i te kai o te pō, heoi anō tāu he whakawera i te kai.